

四庫全書

子部

欽定四庫全書

子部

備急千金要方卷二十二
三

詳校官太醫院醫士_臣舒岱

編修_臣倉聖脈覆勘

總校官中書_臣朱 鈐

校對官中書_臣胡紹基

謄錄監生_臣邱繹曾

欽定四庫全書

備急千金要方卷二十二

唐孫思邈撰

風毒脚氣方

論風毒狀第一十六章

論曰考諸經方往往有脚弱之論而古人少有此疾自永嘉南渡衣纓士人多有遭者嶺表江東有支法存仰道人等並留意經方偏善斯術晉朝仕望多獲全濟莫

不由此二公又宋齊之間有釋門深師師道人述法存
等諸家舊方為三十卷其脚弱一方近百餘首魏周之
代蓋無此病所以姚公集驗殊不慙慙徐王撰錄未以
為意特以三方鼎峙風教未一霜露不均寒暑不等是
以關西河北不識此疾自聖唐開闢六合無外南極之
地襟帶是重爪牙之寄作鎮於彼不習水土往者皆遭
近來中國士大夫雖不涉江表亦有居然而患之者良
由今代天下風氣混同物類齊等所致之耳然此病發

初得先從脚起因即脛腫時人號為脚氣深師云脚弱者即其義也深師述支法存所用永平山敷施連范祖耀黃素等諸脚弱方凡八十餘條皆是精要然學者尋覽頗覺繁重正是方集耳卒欲救急莫測指南今取其所經用灼然有效者以備倉卒餘者不復具述

論何以得之於脚

問曰風毒中人隨處皆得作病何偏著於脚也答曰夫人有五臟心肺二臟經絡所起在手十指肝腎與脾三

臟經絡所起在足十趾夫風毒之氣皆起於地地之寒暑風濕皆作蒸氣足常履之所以風毒之中人也必先中脚久而不瘥適及四肢腹背頭項也微時不覺痼滯乃知經云次傳間傳是也

論得已便令人覺不

凡脚氣病皆由感風毒所致得此病多不令人即覺會因他病一度乃始發動或奄然大悶經三兩日不起方乃覺之諸小庸醫皆不識此疾謾作餘病治之莫不盡

斃故此病多不令人識也始起甚微食飲嬉戲氣力如故惟卒起脚屈弱不能動有此為異耳黃帝云緩風濕痺是也

論風毒相貌

夫有脚未覺異而頭項臂膊已有所苦有諸處皆悉未知而心腹五內已有所困又風毒之中人也或見食嘔吐憎聞食臭或有腹痛下痢或大小便秘澀不通或胸中衝悸不欲見光明或精神昏憤或喜迷妄語言錯亂

或壯熱頭痛或身體酷冷疼煩或覺轉筋或腫不腫或
胫腿頑痺或時緩縱不隨或復百節攣急或小腹不仁
此皆脚氣狀貌也亦云風毒脚氣之候也其候難知當
須細意察之不爾必失其機要一朝病成難可以理婦
人亦爾又有婦人產後春夏取涼多中此毒深宜慎之
其熱悶掣瘕驚悸心煩嘔吐氣上皆其候也又但覺臍
下冷痞幅幅然不快無小便淋瀝不同生平即是脚氣
之候頑弱名緩風疼痛為濕痺

論得之所由

凡四時之中皆不得久立久坐濕冷之地亦不得因酒醉汗出脫衣靴襪當風取涼皆成脚氣若暑月久坐久立濕地者則熱濕之氣蒸入經絡病發必熱四肢酸疼煩悶若寒月久坐久立濕冷地者則冷濕之氣上入經絡病發則四體酷冷轉筋若當風取涼得之者病發則皮肉頑痺諸處動漸漸向頭凡常之日忽然暴熱人皆不能忍得者當於此時必不得頓取於寒以快意也

卒有暴寒復不得受之皆生病也世有勤功力學之士
一心注意于事久坐行立于濕地不時動轉冷風來擊
入於經絡不覺成病故風毒中人或先中手足十指因
汗毛孔開腠理疏通風如急箭或先中足心或先足趺
或先中膝已下膕脛表裏者若欲使人不成病者初覺
即灸所覺處二三十壯因此即愈不復發也黃帝云當
風取涼醉已入房能成此疾

論冷熱不同

問曰何故得者有冷有熱答曰足有三陰三陽寒中三陽所患必冷暑中三陰所患必熱故有表裏冷熱冷熱不同熱者治以冷藥冷者療以熱藥以意消息之脾受陽毒即熱頑腎受陰濕即寒痺

論因脚氣續生諸病

雖患脚氣不妨乳石動發皆須服壓石藥療之夫因患脚氣續生諸病者則以諸藥對之或小便不利則以猪苓茯苓及諸利小便藥治之大使極堅者則以五柔麻

仁凡等治之遍體腫滿成水病者則取治水方中諸治水之藥治之餘皆倣此更無拘忌

論須療緩急

凡小覺病候有異即須大怖畏決意急治之傷緩氣上入腹或腫或不腫胃脇逆滿氣上肩息急者死不旋踵寬者數日必死不可不急也但看心下急氣喘不停或自汗數出或乍寒乍熱其脉促短而數嘔吐不止者皆死

論虛實可服藥不可服藥

凡脚氣之疾皆由氣實而死終無一人以服藥致虛而殂故脚氣之人皆不得大補亦不可大瀉終不得畏虛故預止湯不服也如此者皆死不治也

論看病問疾人

世間大有病人親朋故舊交遊來問疾其人曾不經一事未讀一方自騁了了詐作明能談說異端或言是虛或道是實或云是風或云是蠱或道是水或云是痰紛

紕謬說種種不同破壞病人心意不知孰是遷延未定
時不待人歛然致禍各自散走是故大須好人及好名醫
識病深淺採賸方書博覽古今是事明解者看病不爾
大誤人事竊悲其如此者衆故一一顯析具述病之由
狀令來世病者讀之以自防備也但有一狀相應則須
依方急治勿取外人言議自貽憂悔但詳方意人死不
難莫信他言以自悞也余嘗為人撰門冬煎此方治脚
氣大有驗病者須用之

論脉候法

凡脚氣雖復診候多塗而三部之脉要須不違四時者為吉其逆四時者勿治餘如脉經所說此中不復具載其人本黑瘦者易治肥大肉厚赤白者難愈黑人耐風濕赤白不耐風瘦人肉硬肥人肉軟肉軟則受疾至深難愈也

論腫不腫

凡人久患脚氣不自知別於後因有他病發動治之得

瘥後直患嘔吐而復脚弱余為診之乃告為脚氣病者
曰某平生不患脚腫何因為脚氣不肯服湯餘醫以
為石發狐疑之間不過一旬而死故脚氣不得一向以
腫為候亦有腫者有不腫者其以小腹頑痺不仁者脚
多不腫小腹頑後不過三五日即令人嘔吐者名脚氣
入心如此者死在旦夕凡患脚氣到心難治以其腎水
剋心火故也

論須慎不慎

凡脚氣之病極須慎房室羊肉牛肉魚蒜蕞菜菘菜蔓菁瓠子酒麪酥油乳麋猪雞鵝鴨有方用鯉魚頭此等並切禁不得犯之并忌大怒惟得食粳梁粟米醬豉葱韭薤椒薑橘皮又不得食諸生果子酸酢之食犯者皆不可瘥又大宜生牛乳生栗子

論差能治者幾日可瘥

凡脚氣病枉死者衆畧而言之有三種一覺之傷晚二驕狠恣傲三狐疑不決此三種正當枉死之色故世間

誠無良醫雖有良醫而病人有性靈堪受入者更復少故雖有騏驎而不遇伯樂雖有尼父而人莫之師其為枉橫亦猶此也今有病者有受入性依法使余治之不過十日可得永瘥矣若無受入性者亦不須為治縱令治之恐無瘥日也非但脚氣諸病皆然良藥善觸目可致不可使人必服法為信者施不為疑者說

論灸法

凡脚氣初得脚弱使速灸之并服竹瀝湯灸訖可服八

風散無不瘥者惟急速治之若人但灸而不能服散服散而不灸如此者半瘥半死雖得瘥者或至一二年復更發動覺得便依此法速灸之及服散者治十愈此病輕者登時雖不即惡治之不當根源不除久久期於殺人不可不精以為意

初灸風市 次灸伏兔 次灸犢鼻 次灸膝兩眼

次灸三里 次灸上廉 次灸下廉 次灸絕骨

凡灸八處第一風市穴可令病人起正身平立垂兩臂

直下舒十指掩著兩髀便點當手中央指頭髀大筋上
是灸之百壯多亦任人輕者不可減百壯重者乃至一
處五六十壯勿令頓灸三報之佳第二伏兔穴令病人
累夫端坐以病人手夫掩橫膝上夫下傍與曲膝頭齊
上傍側夫際當中央是灸百壯亦可五十壯第三犢鼻
穴在膝頭蓋骨上際外骨邊平處以手按之得節解則
是一云在膝頭下近外三骨箕踵中動脚以手按之得
窟解是灸之五十壯可至百壯第四膝眼穴在膝頭骨

下兩傍陷者宛宛中是第五三里穴在膝頭骨節下一夫附脛骨外是一云在膝頭骨節下三寸人長短大小當以病人手夫度取灸之百壯第六上廉穴在三里下一夫亦附脛骨外是灸之百壯第七下廉穴在上廉下一夫一云附脛骨外是灸之百壯第八絕骨穴在脚外踝上一夫亦云四寸是凡此諸穴灸不必一頓灸盡壯數可日日報灸之三日之中灸令盡壯數為佳凡病一脚則灸一脚病兩腳則灸兩腳凡脚弱病皆多兩腳又

一方云如覺脚惡便灸三里及絕骨各一處兩脚惡者合四處灸之多少隨病輕重大要雖輕不可減百壯不瘥速以次灸之多多益佳一說灸絕骨最要人有患此脚弱不即治及入腹腹腫大上氣于是乃須大法灸隨諸輸及諸管關節腹背盡灸之并服八風散往往得瘥者諸管輸節解法並在別卷中覺病入腹若病人不堪痛不能盡作大灸但灸胸心腹諸穴及兩脚諸穴亦有得好瘥者凡量一夫之法覆手并舒四指對度四指上

中節上橫過為一夫夫有兩種有三指為一夫者此脚弱灸以四指為一夫也亦依支法存舊法梁丘犢鼻三里上廉下廉解谿太衝陽陵泉絕骨崑崙陰陵泉三陰交足太陰伏溜然谷涌泉承山束骨等凡一十八穴舊法多灸百會風府五臟六腑募頃來灸者悉覺引氣向上所以不取其法氣不止者可用之其要病已成恐不救者悉須灸之其足十趾去指奇一分兩足凡八穴曹氏名曰八衝極下氣有效其足十趾端名曰氣端日

灸三壯並大神要其八衝可日灸七壯氣下即止病者
非深相委悉慎勿為人灸之慎之慎之凡灸八衝須小
作艾炷

論服湯藥色目

風毒之氣入人體中脉有三品內外證候相似但脉有
異耳若脉浮大而緩宜服續命湯兩劑應瘥若風盛宜
作越婢湯加白朮四兩若脉浮大緊轉駛宜作竹瀝湯
若病人脉微而弱宜服風引湯此人脉多是因虛而得

之若大虛短氣力乏可以間作補湯隨病冷熱而用之
若未愈更服竹瀝湯若病人脉浮大而緊駛此是三品
之中最惡脉也或沉細而駛者此脉正與浮大而緊者
同是惡脉浮大者病在外沉細者病在內治亦不異當
消息以意耳其形尚可而手脚未容至弱數日之中氣
上即便命終如此之脉往往有人得之無一存者急服
竹瀝湯日服一劑切要湯勢常令相及勿令半日之中
空無湯也此湯竹汁多服之若不極熱輒停在胸心更

為人患每服當使極熱若服竹瀝湯得下者必佳也若已服三劑竹瀝湯病及脉勢未折而苦脹滿可以大鼈甲湯下之湯勢盡而不得下可以圓藥助湯令下下後更服竹瀝湯趣令脉勢折氣息料理便停服三十二物八風散佳凡初得病便摩野葛膏日再頑痺脚弱都愈乃止若服竹瀝湯脉勢折如未病時氣力轉勝脚故未能行體力充足然後漸微行步病重者瘥後半年始能扶人行耳既覺脉及體內瘥但當勤服八風散勿以脚

未能行輕加餘治餘治未必全得益更生諸惡失此諸
治也猥人邊亦勿行野葛膏有人聞竹瀝湯云恐傷腰
脚者即勿與治宜知此法此皆人無受入性不可與醫
故也不為疑者說此之謂也竹瀝湯有三首輕者服前
方重者以次第服後方此風毒乃相注易病人宜將空
缺服小金牙散以少許塗鼻孔耳門病人及新亡人
喜易人強健人宜將服之亦以塗耳鼻乃可臨近亡人
及視疾者絳囊帶一方寸七男左女右臂上此散毒服

宜從少為始金牙散方見別卷病人惟宜飲赤小豆飲
冬服側子金牙酒續命湯治風毒病初得似時行毒病
而脉浮緩終不變歇此不治或數日而死或十日而死
或得便不識人或發黃或發斑或目赤或下部穿爛者
此最急得之即先服續命湯一劑須服葛根湯麻黃湯
下之若故不折更與續命湯兩三劑必瘥此病大急常
令湯勢相接不可使半日闕湯即便殺人續命湯方見

別卷

備急千金要方卷二十二

欽定四庫全書

備急千金要方卷二十三 唐 孫思邈 撰

宋 林億等 校正

風毒脚氣方

湯液第二方 裏脚方附

第一竹瀝湯治兩脚痺弱或轉筋皮肉不仁腹脹起如腫按之不陷心中惡不欲食或患冷方

竹瀝

五升

甘草

秦朮

葛根

黃芩

麻黃

防己

細辛

桂心

乾薑

各一兩

防風

升麻

各一兩半

茯苓

三兩

附子

二枚

杏仁

五十枚

右十五味㕮咀以水七升合竹瀝煮取三升分三服

取汗

千金翼方無茯苓杏仁有白朮一兩

第二大竹瀝湯治卒中風口噤不能言四肢緩縱偏痺
攣急風經五臟恍惚恚怒無常手足不隨方

竹瀝

一斗四升

獨活

芍藥

防風

茵芋

甘草

白朮

葛根

細辛

黃芩

芎藭

各二兩

桂心

防己

人參

石膏

麻黃

各一兩

生薑

茯苓

各三兩

烏頭

一枚

右十九味㕮咀以竹瀝煮取四升分六服先未汗者取汗一狀相當即服

第三竹瀝湯治風毒入人五內短氣心下煩熱手足煩疼四肢不舉皮肉不仁口噤不能語方

竹瀝

一斗九升

防風

茯苓

秦艽

各三兩

當歸

黃芩

千金翼作芍藥

人參

芍藥

千金翼作防已

細辛

桂心

甘草

升麻

千金翼作通草

麻黃

白朮

各二兩

附子

二枚

蜀椒

一兩

葛根

五兩

生薑

八兩

右十八味㕮咀以竹瀝煮取四升分五服初得病即

須摩膏日再痺定止

千金翼無麻黃蜀椒生薑

麻黃湯治惡風毒氣脚弱無力頑痺四肢不仁失音不

能言毒氣衝心有人病者但一病相當即服此第一服
次服第二第三第四方

麻黃

兩一

大棗

二十枚

茯苓

兩三

杏仁

三十枚

防風

白朮

當歸

升麻

芍藥

芍藥

黃芩

桂心

麥門冬

甘草

各二兩

右十四味㕮咀以水九升清酒二升合煮取二升半
分四服日三夜一覆令小汗粉之莫令見風

第二服獨活湯方

獨活

四兩

乾地黄

三兩

生薑

五兩

葛根

桂心

甘草

芍藥

麻黃

各二兩

右八味㕮咀以水八升清酒二升合煎取二升半分
四服日三夜一脚弱特忌食瓠子藟菜犯之一世治
不愈

第三服兼補厚朴湯并治諸氣咳嗽逆氣嘔吐方

厚朴

芎藭

桂心

乾地黄

芍藥

當歸

人參

各二兩

黃耆

甘草

各三兩

吳茱萸

二升

半夏

七兩

生薑

一斤

右十二味㕮咀以水二斗煮猪蹄一具取汁一斗二升去上肥內清酒三升合煮取三升分四服相去如人行二十里久

第四服風引獨活湯兼補方

獨活

四兩

茯苓

甘草

各三兩

升麻

一兩半

人參

桂心

防風

芍藥

當歸

黃耆

乾薑

附子

各二兩

大豆

二升

右十三味㕮咀以水九升清酒三升合煮取三升半分四服相去如人行二十里久更進服

防風湯治脚痺并治毒氣上衝心胃嘔逆宿癖積氣疝氣一病相當即服之方

防風

麻黃

芍藥

人參

芍藥

當歸

茯苓

半夏

甘草

橘皮

各一兩

鼈甲

生薑

桂心

各二兩

杏仁

各一兩

赤小豆

一升

貝子

烏梅

各五兩

大棗

各二十枚

吳茱萸

五合

犀角

羚羊角

各半兩

薤白

各十四枚

右二十二味㕮咀以水一斗煮取三升分三服一日
令盡一方用水一斗二升間食糜一方半夏三兩隨

時用

獨活湯治脚痺方

獨活

兩四

當歸

防風

茯苓

芍藥

黃耆

葛根

人參

甘草

兩各二

大豆

升二

附子

枚一

乾薑

兩三

右十二味㕮咀以水一斗清酒二升合煮取三升分

三服

越婢湯治風痺脚弱方

麻黃

兩六

石膏

升半

白朮

兩四

大附子

枚一

生薑

兩三

甘草

兩二

大棗

枚十五

右七味㕮咀以水七升先煮麻黃再沸掠去沫入諸

藥煮取三升分三服覆取汗

胡洽方只五味若惡風者加附子一枚多淡水

者加白
朮四兩

治脚弱神驗方

防已

蜀椒

細辛

桂心

麻黃

石膏

獨活

防風

黃芩

茵芋

葛根

芍藥

芍藥

甘草

各一兩

生薑

茯苓

各三兩

烏頭

二枚

右十七味㕮咀以竹瀝一斗煮取四升分六服令一
日一夜服盡其間可常作赤小豆飲有人脚弱先服
常用竹瀝湯四劑未覺增損作此方後覺得力又云
脉沉細駛風在內者作此湯也

風引湯治兩脚疼痺腫或不仁拘急不得行方

麻黃

石膏

獨活

茯苓

各二兩

吳茱萸

附子

秦朮

細辛

桂心

人參

防風

芎藭

防己

甘草

各一兩

乾薑

一兩半

白朮

三兩

杏仁

六十枚

右十七味㕮咀以水一斗六升煮取三升分三服取汗

大鼈甲湯治脚弱風毒攣痺氣上及傷寒惡風溫毒山水瘴氣熱毒四肢痺弱方

鼈甲

二兩

防風

麻黃

白朮

石膏

知母

升麻

茯苓

橘皮

芍藥

杏仁

人參

半夏

當歸

芍藥

萎蕤

甘草

麥門冬

各一兩

羚羊角

六銖

大黃

一兩半

犀角

青木香

雄黃

各半兩

大棗

十枚

貝齒

烏頭

七枚

生薑

三兩

薤白

十四枚

麝香

三銖

小赤豆

三合

吳茱萸

五合

右三十一味，以水二斗煮取四升，分六服，相去

十里久得下止一方用大黃半兩畏下可止用六銖

一方用鈴羊角半兩毒盛可用十八銖

胡洽有山菜
莢半升為三

十二味千金翼無知母升麻
摘皮芍藥人參當歸萎蕤

小鼈甲湯治身體虛脹如微腫胃心痛滿有氣壯熱小

腹厚重兩腳弱方

鼈甲

黃芩

升麻

麻黃

鈴羊角

桂心

杏仁

各三兩

前胡

四兩

烏梅

二十枚

礬石

三十枚

右十味呖咀以水一斗煮取二升七合分三服此常用若體強壯欲須利者加大黃二兩

風緩湯治脚弱舉體痺不仁熱毒氣入臟胃中滿塞不通食即嘔吐方

半夏

升一

大棗

烏梅

枚二十

桂心

鼈甲

升麻

橘皮

枳實

甘草

吳茱萸

大黃

兩各一

生薑

石膏

兩各六

貝齒

枚七

獨活

麻黃

犀角

各三兩一方
用羚羊角

右十七味㕮咀以水一斗四升煮取四升分五服日
三夜二不瘥至三劑必瘥

治脚氣初發從足起至膝脛骨腫疼者方

取蟬麻葉切搗蒸薄裹之日二三易即消蟬麻子似
牛蟬蟲故名蟬麻也若冬月無蟬麻取蒴藿根搗碎
和酒糟三分根一分合蒸熱及熱封裹腫上如前法

日二即消亦治不仁頑痺

此方非湯不當見此然以前後三方俱出蘇長史更

出不分

若腫已入腔至小腹脹小便滯少者方

取烏特牛尿一升二服日二取消乃止

千金翼云羸瘦人二分尿

一分牛乳合煮乳浮結乃服之

若腫已消仍有此候者急服此湯方

蘇長史方神驗

麻黃

射干

人參

茯苓

防己

前胡

枳實

各二兩

半夏

犀角

羚羊角

青木香

橘皮

杏仁

升麻

各一兩

生薑

五兩

獨活

三兩

吳茱萸

升一

右十七味㕮咀以水一斗二升煮取四升分五服相
去二十里久中間進少粥以助胃氣此湯兩日服一
劑取病氣退乃止以意消息之若熱盛喘煩者加石
膏六兩生麥門冬一升去吳茱萸若心下堅加鼈甲
一兩

夫脚氣之疼先起嶺南稍來江東得之無漸或微覺疼

痺或兩脛腫滿或行起澀弱或上入腹不仁或時冷熱
小便秘澀喘息氣衝喉氣急欲死食嘔不下氣上逆者
皆其候也若覺此證先與

犀角旋復花湯方

犀角

旋復花

各二兩

橘皮

茯苓

生薑

各三兩

大棗

七枚

香豉

一升

紫蘇莖葉

一握

右八味㕮咀以水八升煮取二升七分三服相去

十里久服之以氣下小便利為度

崔氏云小犀角湯如其不下服後大

犀角
湯

大犀角湯療脚氣毒衝心變成水身體遍腫悶絕欲死

方

犀角

旋復花

白朮

桂心

防己

黃芩

生薑

橘皮

茯苓

各二兩

香豉

一升

桑白皮

前胡

各四兩

大棗

十枚

紫蘇莖葉

一握

右十四味㕮咀以水九升煮取二升七合分三服相

去十里久取下氣為度若得氣下小便利脚腫即消
能食若服湯竟不下氣急不定仍服後犀角麻黃湯

崔氏又以白前代白朮無防
已黃芩桑白皮名旋復花湯

犀角麻黃湯方

犀角

麻黃

防風

獨活

崔氏用
茯苓

防己

芍藥

白朮

當歸

黃芩

羚羊角

崔氏用附
子各二兩

石膏

四兩

生薑

甘草

杏仁

崔氏用
細辛

桂心

各三
兩

右十五味㕮咀以水二斗煮麻黃去沫取汁八升下藥煎取三升分三服相去十里久服訖覆取汗若不瘥五日後更一劑取汗同前

茱萸湯治脚氣入腹困悶欲死腹脹方

蘇長史方

吳茱萸

六升

木瓜

兩顆切

右二味以水一斗三升煮取三升分三服相去如人

行十里久進一服或吐或汗或利或大熱悶即瘥

此起

死因生方

小風引湯治中風腰脚疼痛弱者方

胡洽名大風引湯

獨活

茯苓

人參

各三兩

防風

當歸

甘草

乾薑

胡洽作桂心

石斛

各二兩胡洽作黃耆

附子

一枚

大豆

二升

右十味㕮咀以水九升酒三升煮取三升分四服服

畢相去如人行十里久

胡洽云南方治脚弱與此別用升麻一兩半夏芍藥各二

兩合十三味本只有十味減當歸石斛名小風引湯剛繁一方無石斛以療肉極寒肌肉變古痿名曰惡

風腰痛脚弱

四物附子湯治風濕相薄骨節煩痛四肢拘急不可屈伸近之則痛自汗出而短氣小便不利惡風不欲去衣或頭面手足時時浮腫方

附子

枚二

桂心

兩四

白朮

兩三

甘草

兩二

右四味㕮咀以水六升煮取三升分三服微汗愈大汗煩者一服五合體腫者加防已四兩悸氣小便不利加茯苓三兩既有附子今加生薑三兩

治脚弱風毒實及嶺南瘴氣面腫乍寒乍熱似瘡狀脚

腫氣上心悶咳嗽癰緩頑痺方

麻仁

升麻

麻黃

射干

菖蒲

芒硝

甘草

大黃

各半兩

豉三合

右九味㕮咀以水六升煮取二升半內芒硝又煎三沸分三服微利一二行解毒熱有腫瘰薄之凡覺氣滿輒服一劑佳

道人深師增損腎瀝湯治風虛勞損挾毒脚弱疼痺或

不隨下焦虛冷胃中微有客熱心虛驚悸不得眠食少
失氣味日夜數過心煩迫不得卧小便不利又時復下
湘東王至江州王在嶺南病悉如此極困篤余作此湯
令服即得力病似此者服無不瘥隨宜增損之方

黃耆

甘草

芍藥

麥門冬

人參

肉蓯蓉

乾地黄

赤石脂

茯苓

地骨白皮

當歸

遠志

磁石

枳實

防風

龍骨

各一兩

桂心

芎藭

各二兩

生薑

四兩

五味子

三合

半夏

一升

大棗

三十枚

白羊腎

一具

右二十三味㕮咀以水二斗煮羊腎取汁一斗二升

內諸藥煮取四升分為五服不利下者除龍骨赤石

脂小便澀以赤茯苓代茯苓神加白朮三兩多熱加黃

芩一兩遺溺加桑螵蛸二十枚

胡洽方無黃耆從蓉赤石脂地骨皮磁石

枳實防風龍骨半夏有黃芩為十五味

石膏湯治脚氣風毒熱氣上衝頭面面赤矜急鼻塞去

來無時令人昏憤心胃恍惚或若驚悸身體戰掉手足
緩縱或酸痺頭目眩重眼反鼻辛熱氣出口中或患味
甜諸惡不可名狀者方

石膏

龍膽

升麻

芍藥

貝齒

甘草

鼈甲

黃芩

羚羊角

各一兩

橘皮

當歸

各二兩

右十一味呖咀以水八升煮取三升分為三服
半夏湯治脚氣上入腹腹急上衝胃氣急欲絕方

半夏

升一

桂心

兩八

乾薑

兩五

甘草

人參

細辛

附子

兩各二

蜀椒

合二

右八味㕮咀以水一斗煮取三升分三服初稍稍進

恐氣衝上格塞不得下小小服通人氣耳

烏頭湯治風冷脚痺疼痛攣弱不可屈伸方

烏頭

細辛

蜀椒

兩各一

甘草

秦朮

附子

桂心

芍藥

兩各二

乾薑

茯苓

防風

當歸

兩各三

獨活

雨四

大棗

枚二十

右十四味以水一斗二升煮取四升分五服若

熱毒多服益佳

近毒湯治脚弱風熱上入心腹煩悶欲絕方

半夏

生薑

雨各四

黃耆

甘草

當歸

人參

厚朴

獨活

橘皮

雨各一

枳實

麻黃

乾地黄

芍藥

雨各二

桂心

雨三

貝子

枚七

大棗

枚二十

右十六味以咀以水一斗二升煮取三升六合分四服日三夜一

風緩湯治脚弱體痺不仁毒氣上入藏胃中滿塞不通食輒吐失味方

獨活

甘草

石膏

各三兩

羚羊角

犀角

各半兩

麻黃

防風

當歸

升麻

橘皮

吳茱萸

桂心

半夏

鼈甲

各二兩

枳實

一兩

生薑

六兩

大棗

二十枚

貝齒

七枚

烏頭

二兩一作烏梅七枚

右十九味㕮咀以水一斗四升煮取四升一服一升若有少虛熱者加乾地黄二兩

紫蘇子湯治脚弱上氣昔宋湘東王在南州患脚氣困篤服此湯大得力方

紫蘇子

半夏

各一升

前胡

厚朴

甘草

當歸

各一兩

橘皮

三兩

大棗

二十枚

生薑

一斤

桂心

四兩

右十味㕮咀以水一斗三升煮取三升半分為五服
日三夜二

附子湯治濕痺緩風身體疼痛如欲折肉如錐刺刀割
方

附子

三枚

芍藥

桂心

甘草

茯苓

人參

各三兩

白朮

四兩

右七味㕮咀以水八升煮取三升分三服

防風湯治肢體虛風微瘳發熱肢節不隨恍惚狂言來

去無時不自覺悟南方支法存所用多得力溫和不損
人為勝於續命越婢風引等湯羅廣州一門南州士人
常用亦治脚弱甚良方

防風

麻黃

秦朮

獨活

生薑

半夏

各二兩

當歸

遠志

甘草

防己

人參

黃芩

升麻

芍藥

各一兩

石膏

半兩

麝香

六銖

一方用白朮

一兩

右十六味㕮咀以水一斗三升煮取四升一服一升
初服厚覆取微汗亦當兩三行下其間相去如人行
十里久更服有熱加大黃二兩先有冷心痛疾者倍
用當歸加桂心三兩不用大黃

甘草湯治脚弱舉身洪腫胃反食穀吐逆胃中氣結不
安而寒熱下痢不止小便難服此湯即益亦服女麴散
利小便腫消服大散摩膏有驗方

甘草

人參

各一兩

半夏

一升

桂心

蜀椒

各三兩

小麥

八合

大棗

二十枚

生薑

八兩

吳茱萸

二升

右九味㕮咀以水一斗三升煮小麥取一斗去小麥

內諸藥煮取三升分為六服

女麴散見別卷

恒山甘草湯若寒熱日再三發可服此方

恒山

三兩

甘草

一兩半

右二味㕮咀以水四升煮取一升半分三服相去五

里久一服

丹參牛膝煮散治脚痺弱氣滿身微腫方

丹參

牛膝

桑白皮

杏仁

升麻

猪苓

茯苓

各四兩

犀角

黃芩

橘皮

防己

白朮

澤瀉

桂心

秦艽

各三兩

李根白皮

生薑

各二兩

大麻仁

升一


右十八味搗麤篩以水一升半內散方寸匕煮取七

合輕絹濾去滓頓服日再夏月熱不得服圓散此煮

散頃年常用大驗

治腰脇不隨兩腳攣腫方

蜀椒四升以水四斗煮取二斗半甕盛下著火暖之
懸板為橋去湯二寸許以脚踏板拄脚坐以綿絮密
塞勿令泄氣若疲即出入被以粉摩之一食久更入
甕常令甕下火不絕勿使湯冷如此消息不過七日
得伸展并腫亦消



備急千金要方卷二十三

欽定四庫全書

子部

備急千金要方卷二十四

詳校官太醫院醫士臣舒岱

編修臣倉聖脈覆勘

總校官中書臣朱 鈐

校對官中書臣胡紹基

謄錄監生臣卹繹曾

欽定四庫全書

備急千金要方卷二十四

唐 孫思邈 撰

宋 林億等 校正

風毒脚氣方

諸散第三

方

例曰大法春秋宜服散

八風散治風虛面青黑土色不見日月光脚氣痺弱準

紅面青黑主腎不見日月光主肝宜補腎治肝方

菊花

三兩

石斛

天雄

各一兩半

人參

附子

甘草

各一兩六銖

鍾乳

薯蕷

續斷

黃耆

澤瀉

麥門冬

遠志

細辛

龍膽

秦朮

石韋

菟絲子

牛膝

菖蒲

杜仲

茯苓

乾地黄

栝子仁

蛇牀子

防風

白朮

乾薑

草薢

山茱萸

各一兩

五味子

烏頭

各半兩

茯苓

二兩

右三十三味治下篩酒服方寸匕日三不效加至二

匕

大八風散治諸緩風濕痺脚弱方

巴戟天

黃耆

桂心

細辛

天雄

草薢

茯苓

牡荊子

薯蕷

菊花

萎蕤

山茱萸

秦朮

黃芩

石斛

白朮

礬石

一作礬石

厚朴

龍膽

人參

蜀椒

各半兩

附子

五味子

各十八銖

菖蒲

茯苓

牛膝

千金翼作乾薑

烏喙

遠志

各一兩

桔梗

三十銖

芎藭

白欬

芍藥

各六銖

右三十二味治下節酒服半寸匕日三未驗稍增令

微覺

胡洽無桔梗

內補石斛秦朮散治風虛脚弱手足拘攣疼痛痺不能行脚趺腫上膝小腹堅如繩約氣息常如憂恚不能食飲

者皆由五勞七傷腎氣不足受風濕故也此方悉主之

石斛

附子

天雄

桂心

獨活

天門冬

各一兩

秦朮

烏頭

人參

乾薑

當歸

防風

杜仲

各三十銖

山茱萸

莽草

桔梗

細辛

麻黃

前胡

五味子

各十八銖

蜀椒

白芷

白朮

各半兩

右二十三味治下節酒服方寸匕日再服不知稍增

至二七虛人三建皆炮實人亦可生用風氣者本因
腎虛既得病後毒氣外滿則灸洩其氣內滿則藥馳
之當其救急理必如此至于風消退四體虛弱餘毒
未除不可便止宜服此散推陳致新極為良妙此既
人情可解無可疑焉

秦艽散治風無久新卒得不知人四肢不仁一身盡痛
偏枯不隨不能屈伸洒洒寒熱頭目眩倒或口面喎僻
方

秦朮

乾薑

桔梗

附子

各一兩

天雄

當歸

天門冬

人參

白朮

蜀椒

各十銖

烏頭

細辛

各十八銖

甘草

白芷

山茱萸

麻黃

前胡

防風

五味

各半兩

右十九味治下節酒服方寸匕日三若老人少服之

胡洽無天門冬前胡有莽草桂心防己華薜白飲黃耆為二十三味

單服松脂治一切風及大風脚弱風痺方薰陸法亦同

松脂三十斤以椶皮袋盛繫頭鐺底布竹木置袋於上以石三五顆壓之下水于鐺中令滿煮之膏浮出得盡以後量更二十沸接置于冷水中易袋洗鍋更煮如此九遍藥成擣篩為散以麤羅下之用酒服一方寸匕日二初和藥以冷酒藥入腹後飲熱酒行藥以知為度如覺熱即減不減令人大小便秘澀若澀宜食蔥羹仍自不通宜服生地黃汁微取泄利除忌大麻子以外無所禁若欲斷米加茯苓與松脂等分

蜜和為圓但食淡麪餽日兩度食一食一小椀勿多食也作餽餽法硬和麪熟按煮五十沸漉出冷水淘更置湯中煮十餘沸然後漉出食之服松脂三十日後即覺有驗兩脚似有水流下是效如恐秘澀和一斤松脂茯苓與棗栗許大酥即不澀服經一百日後脚氣當愈仙經曰服松脂一年增壽一年服二年增壽二年及服之十年則增壽十年

淮南八公石斛萬病散治風濕疼腰脚不隨方

防風

茯苓

菊花

細辛

蜀椒

乾薑

雲母

從蓉

人參

乾地黄

附子

石斛

杜仲

遠志

菟絲子

天雄

草薢

桂心

牛膝

蛇牀子

白朮

薯蕷

巴戟

菖蒲

續斷

山茱萸

各一兩

五味子

半兩

右二十七味治下節酒服方寸匕日再

茱萸散治冷風脚跛偏枯半身不隨晝夜呻吟醫所不治

吳茱萸

乾薑

白斂

牡荊

千金翼作牡桂

附子

天雄

狗脊

乾漆

薯蕷

秦朮

防風

各半兩

右十一味治下節先食服方寸匕日三藥入肌膚中

淫淫然三日知一月瘡

酒醴第四

例方

例曰凡合酒皆薄切藥以絹袋盛藥內酒中密封頭春
夏四五日秋冬七八日皆以味足為度去滓服酒盡後
其滓擣酒服方寸匕日三大法冬宜服酒至立春宜停
石斛酒治風虛氣滿脚疼痺攣弱不能行方

石斛

丹參

五加皮

各五兩

側子

秦朮

杜仲

山茱萸

牛膝

各四兩

桂心

乾薑

羌活

芎藭

橘皮

黃耆

白朮

蜀椒

茵芋

當歸

各三兩

薏苡仁

防風

二兩

鍾乳

八兩擣碎別絹袋盛繫大藥袋內

右二十一味㕮咀以清酒四斗漬三日初服三合日再稍稍加以知為度

烏麻酒方

烏麻五升微熬擣碎以酒一斗漬一宿隨所能飲之盡更作甚良

鍾乳酒治風虛勞損脚疼冷痺羸瘦攣弱不能行方

鍾乳

八兩

丹參

六兩

石斛

杜仲

天門冬

各五兩

牛膝

防風

黃耆

芎藭

當歸

各四兩

附子

桂心

秦朮

乾薑

各三兩

山茱萸

薏苡仁

各一升

右十六味㕮咀以清酒三斗漬之三日初服三合日

再後稍加之以知為度

拘杞菖蒲酒治緩急風四肢不隨行步不正口急及四

體不得屈伸方

菖蒲

五斤

枸杞根

一伯斤

右二味細剉以水四石煮取一石六斗去滓釀二斛米酒熟稍稍飲之

虎骨酒治骨髓疼痛風經五臟方

虎骨一具炭火炙令黃色槌刮取碎擣研得數日清酒六升浸五宿隨性多少稍飲之易云虎嘯風生龍吟雲起此亦有情與無情相感治風之效故亦無疑
蓼酒治胃管冷不能飲食耳目不聰明四肢有氣冬卧

金匱要略卷二十四
脚冷服此酒十日後目既精明體又充壯方

八月三日取蓼曝燥把之如五升大六十把水六石
煮取一石去滓以釀酒如常法隨多少飲之已用訖
效甚速

小黃耆酒大治風虛痰癖四肢偏枯兩脚弱手不能上
頭或小腹縮痛脇下攣急心下有伏水脇下有積飲夜喜
夢悲愁不樂恍惚善忘此由風虛五臟受邪所致或久
坐腰痛耳聾卒起眼眩頭重或舉體流腫疼痺飲食惡

冷瀟瀟惡寒胃中痰滿心下寒疝藥皆主之及婦人產後餘疾風虛積冷不除者方

黃耆

附子

蜀椒

防風

牛膝

細辛

桂心

獨活

白朮

芎藭

甘草

各三兩

秦朮

烏頭

集驗用著
續三兩

大黃

葛根

乾薑

山茱萸

各二兩

當歸

二兩半

右十八味呖咀少壯人無所熨練虛老人微熬之以

絹袋中盛清酒二斗漬之春夏五日秋冬七日可先
食服一合不知可至四五合日三服此藥攻痺甚佳
亦不令人吐悶小熱宜冷飲食大虛加茯苓二兩下
利加女萎三兩多忘加石斛菖蒲紫石各二兩心下
多水者加茯苓人參各二兩薯蕷三兩酒盡可更以
酒二斗重漬滓服之不爾可曝滓擣下酒服方寸匕
不知稍增之服一劑得力令人耐寒冷補虛治諸風
冷神良

黃耆酒治風虛脚疼痿弱氣悶不自收攝魚補方

黃耆

烏頭

附子

乾薑

秦朮

蜀椒

芎藭

獨活

白朮

牛膝

菰蓉

細辛

甘草

各三兩

葛根

當歸

菰蒲

各二兩半

山茱萸

桂心

鍾乳

栢子仁

天雄

石斛

防風

各二兩

大黃

石南

各一兩

右二十五味呔咀無所熬練清酒三斗漬之先食服
一合不知可至五合日三以攻痺為佳大虛加茯苓

下利加女萎多忘加菖蒲各三兩

胡洽有澤瀉三兩
茯苓二兩人參茵

芋半夏枯蘂芍藥各一兩無秦艽芍藥牛膝從蓉甘
草葛根當歸菖蒲鍾乳大黃為二十二味名大黃耆
湯

茵芋酒治大風頭眩重目瞽無所見或仆地氣絕半日
乃蘇口喎噤不開半身偏死拘急痺痛不能動搖歷節
腫痛骨中酸疼手不得上頭足不得屈伸不能躡履行

欲傾跛皮中動淫淫如有蟲啄軫癢搔之生瘡甚者狂走有此諸病藥皆主之方

茵蘘

烏頭

石南

防風

蜀椒

女萎

附子

細辛

獨活

卷栢

桂心

天雄

秦朮

防已

各一兩

躑躅

二兩

石十五味呖咀少壯人無所熬練虛老人薄熬之清酒二斗漬之冬七日夏三日春秋五月初服一合不

知加至二合寧從少起日再以微痺為度

胡椒獨活卷

栢為十
二味

大金牙酒治瘴癘毒氣中人風冷濕痺口喎面戾半身
不遂手足拘攣歷節腫痛甚者小腹不仁名曰脚氣無
所不治方

金牙斤一

側子

附子

天雄

人參

茯苓

茯苓

當歸

防風

黃耆

薯蕷

細辛

桂心

草薢

姜蕤

白芷

桔梗

黃芩

遠志

牡荊子

芎藭

地骨皮

五加皮

杜仲

厚朴

枳實

白朮

牛膝

丹參

各三兩

獨活

半斤

茵芋

石南

狗脊

各二兩

磁石

十兩

薏苡仁

麥門冬

各一升

生石斛

八兩

蒴藿

四兩

生地黄

切二升

右三十九味 㕮咀以酒八斗漬七日 溫服一合 日四

五夜一石藥細研別絹袋盛共藥同漬藥力和善主治極多凡是風虛四體小覺有風痼者皆須將服之無所不治也服者一依方修合不得輒信人大言浪有加減

鍾乳酒治虛損通順血脉極補下氣方

鍾乳

石斛

茯苓

各五兩

附子

甘菊

各二兩

右五味㕮咀以清酒三斗漬服二合日再稍增至一

升

秦朮酒治四肢風手臂不收髀脚疼弱或有拘急攣縮
屈指偏枯痿躄痛小不仁頑痺者悉主之方

秦朮

天門冬

五加皮

牛膝

附子

桂心

各三兩

巴戟天

杜仲

石南

細辛

各二兩

獨活

一兩

薏苡仁

一兩

右十二味㕮咀以酒二斗漬之得氣味可服三合漸
加至五六合日三夜一

術膏酒治脚弱風虛五勞七傷萬病皆主之方

生白朮淨洗一石五斗

擣取汁三斗煎取半

濕荊二十五束束別三尺圍各長二尺五寸徑頭

二寸

燒取瀝三斗煎取半

青竹三十束束別三尺圍各長二尺五寸徑一寸

燒取瀝三斗煎取半

生地黄根五大斗麤大者

擣取汁三斗煎取半

生五加根

三十六斤淨洗訖剉于大釜內以水四石煎之去滓澄清取汁七斗以銅器中

盛大釜內水上煎之取汁三斗
五升其煎諸藥法一準五加例

右件白朮等五種藥總計得汁九斗五升好糯米一
石五斗上小麥麴八斤曝乾為末以藥汁六斗浸麴
五日待麴起第一投淨淘米七斗令得三十遍下米
置淨席上以生布拭之勿令不淨然後炊之下饋以
餘藥汁浸饋調強弱更蒸之待饋上痂生然後下于
席上調強弱冷熱如常釀酒法醞之甕中密蓋頭三
日後第二投更淘米四斗一如前法投之三日後即

加藥如左

桂心

甘草

白芷

細辛

防風

當歸

麻黃

芍藥

各六兩

附子

五兩

牛膝

九兩

乾薑

五加皮

各一斤

右十二味㕮咀訖第三投以米四斗淨淘如前法還以餘汁澆饋重蒸待上痂生下置席上調冷熱如常釀法和上件藥投之三日外然後嘗甘苦得中訖密封頭二七日乃壓取清酒一服四合日再服細細加

以知為度溫酒不得過熱慎生冷酢滑猪鯉魚蒜牛肉等

松葉酒主脚弱十二風痺不能行服更生散數劑及衆治不得力服此一劑便能遠行不過兩劑方

松葉六十斤咬咀以水四石煮取四斗九升以釀五斗米如常法別煮松葉汁以漬米并饋飯泥釀封頭七日發澄飲之取醉得此力者甚衆神妙

治脚氣方

好豉三斗蒸一石米下曝乾如是三上以酒五斗漬
七日去滓飲惟醉為佳酒盡更以二斗半漬之飲之
如初

側子酒治風濕痺不仁脚弱不能行方

側子

牛膝

丹參

山茱萸

蒟蒻根

杜仲

石斛

各四兩

防風

乾薑

蜀椒

細辛

獨活

秦朮

桂心

芎藭

當歸

白木

茵芋

各三兩

五加皮

五兩

薏苡仁

右二十味㕮咀絹袋盛清酒四斗漬六宿初服三合稍加以知為度患目昏頭眩者彌精

膏第五

例方

例曰凡作膏常以破除日無令喪孝污穢產婦下賤人雞犬禽獸見之病在外火灸摩之在內溫酒服如棗核許

神明白膏治百病中風惡氣及頭面諸病青盲風目爛

背脊管醫耳聾鼻塞齟齬齒根挺痛及癰痔瘡癰疥等方

吳茱萸

蜀椒

芎藭

白朮

前胡

崔氏作
白前

白芷

各一升

附子

三十枚

桂心

當歸

細辛

各二兩

右十味㕮咀淳苦酒於銅器中淹浸諸藥一宿以成煎豬膏十斤炭火上煎三沸三上三下白芷色黃為候病在腹內溫酒服如彈丸一枚日三目痛取如黍米內兩背中以目向風無風可以扇扇之諸瘡痔齟

齒耳鼻百病主之皆以膏傳病在皮膚炙手摩病上

日三

肘後九味
無桂心

衛侯青膏治百病久風頭眩鼻塞清涕淚出霍亂吐逆
傷寒咽痛脊背頭項強偏枯拘攣或緩或急或心腹久
寒積聚疼痛欬逆上氣往來寒熱鼠漏瘰癧歷節疼痛
關節盡痛男子七傷臃脹腹滿羸瘦不能飲食婦人生
產餘疾諸病癰疥惡瘡癰腫陰蝕黃疸發背馬鞍牛領
瘡腫方

當歸

桔萎根

乾地黄

甘草

蜀椒

各六兩

半夏

合七

桂心

芍藥

細辛

附子

各四兩

黃芩

桔梗

天雄

藜蘆

皂莢

各一兩半

厚朴

烏頭

莽草

乾薑

人參

黃連

寄生

續斷

戎鹽

各三兩

黃野葛

分二

生竹茹

六升

巴豆

二十枚

石南

杏仁

各一兩

猪脂

三斗

苦酒

一斗六升

右三十一味，以酒漬一宿，以猪脂微火
上煎之，三下三上，膏成，病在内以酒服，如半棗在外
摩之日三

神明膏治鼻中干，灌之并摩服方

蜀椒

合五

皂莢

黄芩

石南

黄連

雄黄

桂心

藜蘆
各三銖

白朮

芍药

大黄

澤瀉
各七銖

烏頭

莽草

續斷

人參
各五銖

半夏

當歸

各十銖

乾地黄

十一銖

姜蕤

細辛

各十銖

附子

桔梗

各二銖

乾薑

六銖

戎鹽

杏子大一枚

右二十五味㕮咀以苦酒一斗漬之羊髓一斤為東

南三隅竈內諸藥炊以葦薪作三聚新好土藥沸即

下置土聚上三沸三下訖藥成以新布絞去滓病在

外火炙摩之在內溫酒服如棗核日三後稍益以知

為度

太傅白膏治百病傷寒咽喉不利頭項強痛腰脊兩脚
疼有風痺濕腫難屈伸不能行步若風頭眩鼻塞有附
息肉生瘡身體隱軫風搔鼠漏瘰癧諸疽惡瘡馬鞍牛
領腫瘡及久寒結堅在心腹痛胃痺煩滿不得眠飲食
欬逆上氣往來寒熱婦人產後餘疾耳目鼻口諸疾悉
主之亦曰太一神效膏方

蜀椒

升一

升麻

升切一

附子

兩三

巴豆

芎藭

各三
銖十

杏仁

合五

狸骨

細辛

各一
兩半

白芷

兩半

甘草

兩二

白朮

兩六

一方用當歸三兩

右十二味㕮咀苦酒淹漬一宿以豬脂四斤微火煎之先削附子一枚以繩繫著膏中候色黃膏成去滓傷寒心腹積聚諸風腫疾頸項腰脊強偏枯不仁皆摩之日一癰腫惡瘡鼠痿瘰癧炙手摩之耳聾取如大豆灌之目痛淚出縹白翳如珠當瞳子視無所見取如粒米傳白上令其人自以手掩之須臾即愈便

以水洗視如平復且勿當風三十日後乃可行鼻中
痛取如大豆內鼻中并以摩之齟齬痛以綿裹如大
豆著痛齒上咋之中風面目鼻口喎僻以摩之若晨
夜行辟霜霧眉睫落數數以鐵漿洗用膏摩之

曲魚膏治風濕疼痺四肢羸弱偏跛不仁并癰腫惡瘡
方

大黃

黃芩

莽草

巴豆

野葛

牡丹

躑躅

芫花

蜀椒

皂莢

藜蘆

附子

各一兩

右十二味㕮咀以苦酒漬藥一宿以成煎猪膏三斤微火煎三沸一下別內白芷一片三上三下白芷色黃藥成去滓微火炙手摩病上日三

野葛膏治惡風毒腫疼痺不仁瘰癧惡瘡癰疽腫脰脚弱偏枯百病方

野葛

犀角

蛇銜

莽草

外臺作茵芋

烏頭

桔梗

升麻

防風

蜀椒

乾薑

鼈甲

雄黃

巴豆

各一兩

丹參

三兩

躑躅花一升

右十五味㕮咀以苦酒四升漬之一宿以成煎猪膏

五斤微火煎三上三下藥色小黃去滓以摩病上此

方不可施之猥人慎之

胡洽無丹參躑躅有細辛又蘇恭以白芷防已吳茱萸附

子當歸代巴豆雄黃蛇銜防風鼈甲

蒼梧道士陳元膏治一切風濕骨肉疼痛痺方

當歸

細辛

芎藭

各一兩

桂心

五寸

天雄

三十枚

生地黃

三斤

白芷

半兩

丹砂

兩二

乾薑

十累

烏頭

三兩

松脂

八兩

猪肪

十斤

右十二味呖咀以地黃汁漬藥一宿煎猪肪去滓內

藥煎十五沸去滓內丹砂末熟攪用火炙手摩病上

日千遍瘥

胡洽有人參防風各三兩附子三十枚雄黃二兩為十五味肘後千金翼有附子二

十二銖雄黃二兩半大酢三升為十五味崔氏與千金翼同

裴公八毒膏治卒中風毒腹中絞刺痛飛尸入臟及魔

寐不寤尸厥奄忽不知人宿食不消溫酒服如棗核大

得下止若毒氣甚咽喉閉塞不能嚥者折齒內蔥葉口中以膏灌蔥葉中令下病腫者向火摩腫上若歲中多溫欲省病及行霧露中酒服之內鼻中亦得方

蜀椒

當歸

雄黃

丹砂

各二兩

烏頭

巴豆

各一升

薤白

一斤

莽草

四兩

右八味㕮咀苦酒三升漬一宿用豬脂五斤東向竈葦薪火煎之五上五下候薤白黃色絞去滓研雄黃丹砂如粉內之攪至凝乃止膏成盛不津器中諸蜈

蛇蜂等毒者以膏置瘡上病在外悉傳之摩之以破
除日合一方用礬石一兩蜈蚣二枚是名八毒膏

肘後

不用巴豆莽
草名五毒膏

備急千金要方卷二十四

欽定四庫全書

備急千金要方卷二十五

唐 孫思邈 撰

宋 林億等 校正

治諸風方

論雜風狀第一

岐伯曰中風大法有四一曰偏枯二曰風痺三曰風懿
四曰風痺夫諸急卒病多是風初得輕微人所不悟宜
速與續命湯依輸穴灸之夫風者百病之長岐伯所言

四者說其最重也

偏枯者半身不隨肌肉偏不用而痛言不變智不亂病在分腠之間溫卧取汗益其不足損其有餘乃可復也

甲乙經云溫卧取汗則巨取之

風痺者身無痛四肢不收智亂不甚言微可知則可治甚即不能言不可治

風懿者奄忽不知人咽中塞窒窒然

巢源作噫噫然有聲

舌彊不

能言病在臟腑先入陰後入陽治之先補于陰後瀉于

陽發其汗身轉輒者生汗不出身直者七日死

巢源作
眼下及

鼻人中左右白者可治一
黑一赤吐沫者不可治

風痺濕痺周痺筋痺脉痺肌痺皮痺骨痺胞痺各有證
候形如風狀得脉別也脉微澀其證身體不仁

凡風多從背五臟輸入諸臟受病肺病最急肺主氣息
又冒諸臟故也肺中風者其人偃卧而胃滿短氣冒悶
汗出者肺風之證也視目下鼻上兩邊下行至口色白
者尚可治急灸肺輸百壯服續命湯小兒減之若色黃

者此為肺已傷化為血矣不可復治其人當妄言掇空指地或自拈衣尋縫如此數日死若為急風邪所中便迷漠恍惚狂言妄語或少氣憊憊不能復言若不求師即治宿昔而死即覺便灸肺輸及膈輸肝輸數十壯急服續命湯可救也若涎唾出不收者既灸當並與湯也諸陽受風亦恍惚妄語與肺病相似然著緩可經久而死肝中風者其人但踞坐不得低頭繞兩目連額上色微有青者肝風之證也若脣色青面黃尚可治急灸肝輸

百壯服續命湯若大青黑面一黃一白者此為肝已傷不可復治數日而死

心中風者其人但得偃卧不得傾側悶亂冒絕汗出者心風之證也若脣正赤尚可治急灸心輸百壯服續命湯若脣或青或白或黃或黑者此為心已壞為水面目亭亭時悚動者不可復治五六日死

一云旬日死

脾中風者其人但踞坐而腹滿身通黃吐鹹汁出者尚可治急灸脾輸百壯服續命湯若目下青手足青者不

可復治

腎中風者其人踞坐而腰痛視脇左右未有黃色如餅
粢大者尚可治急灸腎輸百壯服續命湯若齒黃赤鬢
髮直面土色者不可復治

大腸中風者卧而腸鳴不止灸大腸輸百壯可服續命
湯賊風邪氣所中則傷於陽陽外先受之客于皮膚傳
入于孫脉孫脉滿則入傳于絡脉絡脉滿則輸于大經
中成病歸於六腑則為熱不時卧止為啼哭其脉堅大

為實實者外堅充滿不可按之按之則痛也經絡諸脉
傍支去者皆為孫脉也

凡風之傷人或為寒中或為熱中或為厲風或為偏枯
或為賊風故以春甲乙傷於風者為肝風以夏丙丁傷
於風者為心風以四季戊己傷于風者為脾風以秋庚
辛傷于風者為肺風以冬壬癸傷于風者為腎風風中
五臟六腑之輸亦為臟腑之風各入其門戶所中則為
偏風風氣循風府而上則為腦風風入頭則為目風眼

寒飲酒中風則為酒風入房汗出中風則為內風新沐中風則為首風久風入房中風則為腸風外在腠理則為泄風故曰風者百病之長也至其變化乃為他病無常方焉是知風者善行而數變在人肌膚中內不得泄外不得散因人動靜乃變其性有風遇寒則食不下遇熱則肌肉消而寒熱有風遇陽盛則不得汗遇陰盛則汗自出肥人有風肌肉厚則難泄喜為熱中目黃瘦人有風肌肉薄則常外汗身中寒目淚出有風遇于虛腠

理開則外出淒淒然如寒狀覺身中有水淋狀時如竹管吹處此是其證也有風遇于實腠理閉則內伏令人熱悶是其證也

新食竟取風為胃風其狀惡風頸多汗膈下塞不通食飲不下脹滿形瘦腹大失衣則憤滿食寒即洞泄新熱食竟入水自漬及浴者令人大腹為水病

因醉取風為漏風其狀惡風多汗少氣口乾喜渴近衣則身如火燒臨食則汗流如雨骨節懈惰不欲自勞

新沐浴竟取風為首風其狀惡風而汗多頭痛

新房室竟取風為內風其狀惡風汗流沾衣勞風之為病法在肺下使人彊上而目脫唾出如涕惡風而振寒候之三日及五日中不精明者是也七八日微有青黃膿涕如彈丸大從口鼻出為善若不出則傷肺

風邪客于肌膚虛癢成風胗瘡風邪入深寒熱相搏則肉枯邪客半身入深真氣去則偏枯邪客關節中即攣筋中亦然邪淫于臟夢臟大形小淫於腑夢臟小形

大邪隨目系入腦則目轉眩邪中精則散視見兩物風邪入臟寒氣客於中不能發則瘖瘡喉痺舌緩不時服藥針灸風逐脉流入臟使人卒瘖緩縱噤瘖致死風入陽經則狂入陰經則癲陽邪入陰病則靜陰邪入陽病則怒

若因熱食汗浴通腠理得開其風自出則覺肉中如針刺步行運力欲汗亦如此也

凡覺肌肉中如刺皆由腠理閉邪氣閉在肌中因欲出

也宜解肌湯則善

夫目睵動口脣動偏喎皆風入脉故須急服小續命湯將八風散摩神明白膏丹參膏依經針灸之

諸痺由風寒濕二氣併客于分肉之間迫切而為沫得寒則聚聚則排分肉肉裂則痛痛則神歸之神歸之則熱熱則痛解痛解則厥厥則他痺發發則如是此內不在臟而外未發于皮膚居分肉之間真氣不能周故為痺也其風最多者不仁則腫為行痺走無常處其寒多

者則為痛痺其濕多者則為著痺冷汗濡但隨血脉上下不能左右去者則為周痺也痺在肌中更發更止左以應右以應右者為偏痺也

夫痺其陽氣少而陰氣多者故令身寒從中出其陽氣多而陰氣少者則痺且熱也

諸痺風勝者則易愈在皮間亦易愈在筋骨則難痊也久痺入深令榮衛澀經絡時疎則不知痛

風痺病不可已者足如履水時如入湯腹中股脛淫灤

煩心頭痛傷脾腎時嘔眩時自汗出傷心目眩傷肝悲

恐短氣不樂傷肺不出三年死

一云三日死

太陽中風重感於寒濕則變瘕也瘕者口噤不開背彊而直如發瘕之狀搖頭馬鳴腰反折須臾十發氣息如絕汗出如雨時有脫易得之者新產婦人及金瘡血脈虛竭小兒瘳風大人涼濕得瘕風者皆死溫病熱盛入腎小兒瘳熱盛皆瘕瘕瘳瘳瘳瘳皆相似故久瘳成瘳宜審察之其重者患耳中策策痛皆風入腎經中也不治

流入腎則喜卒然體痙直如死皆宜服小續命湯兩三劑也若耳痛腫生汁作癰癰者乃無害也惟風宜防耳針耳前動脈及風府神良

諸風第二

方
灸法

小續命湯治卒中風欲死身體緩急口目不正舌強不能語奄奄忽忽神情悶亂諸風服之皆驗不令人虛方

麻黃

防己

崔氏外
臺不用

人參

黃芩

桂心

甘草

芍藥

芎藭

杏仁

各一兩

防風

一兩半

附子

一枚

生薑

五兩

右十二味咬咀以水一斗二升先煮麻黃三沸去沫

內諸藥煮取三升分三服甚良不瘥更合三四劑必

佳取汗隨人風輕重虛實也有人脚弱服此方至六

七劑得瘥有風疹家天陰節變輒合服之可以防瘡

一本云恍惚者加茯神遠志如骨節煩疼本有熱者

去附子倍芍藥

小品千金翼同深師古今錄驗有白朮不用杏仁救急無芍藥杏仁止十

味延年
無防風

小續命湯治中風冒昧不知痛處拘急不得轉側四肢
緩急遺失便利此與大續命湯同偏宜產後失血并老
小人

麻黃

桂心

甘草

各二兩

生薑

五兩

人參

芍藥

白朮

前方有杏仁

附子

防己

芍藥

黃芩

各一兩

防風

一兩半

右十二味呖咀以水一斗二升煮取三升分三服

古令

錄驗無桂心名續命
湯胡洽千金翼同

又方治風歷年歲或歌或哭或大笑言語無所不及方

麻黃

三兩

人參

桂心

白朮

各二兩

芍藥

甘草

防己

黃芩

芎藭

當歸

各一兩

右十味㕮咀以水一斗二升煮取三升分三服日三覆取汗

大續命湯治肝厲風卒然瘖瘓依古法用大小續命二湯通治五臟偏枯賊風方

麻黃

兩八

石膏

兩四

桂心

乾薑

芍藥

兩各二

當歸

黃芩

兩各一

杏仁

枚三十

荆瀝

升一

右九味㕮咀以水一斗先煮麻黃兩沸掠去沫下諸

藥煮取四升去滓又下荆瀝煮數沸分四服能言未

瘥後服小續命湯舊無荆瀝今增之效如神

千金翼有甘草

又方治大風經臟奄忽不能言四肢垂曳皮肉痛癢不

自知

獨活

麻黃

各三兩

芎藭

防風

當歸

葛根

生薑

桂心

茯苓

附子

細辛

甘草

各一兩

右十二味㕮咀以水一斗二升煮取四升分五服老
小半之若初得病便自大汗者減麻黃不汗者依方
上氣者加吳茱萸二兩厚朴一兩乾嘔者倍加附子
一兩啗者加橘皮二兩若胸中吸吸少氣者加大棗
十二枚心下驚悸者加茯苓一兩若熱者可除生薑

加葛根初得風未須加減便且作三劑停四五日已後更候視病虛實平論之行湯行針依穴灸之

又方治與前大續命湯同宜產婦及老小等方

麻黃

芍藥

各三兩

乾薑

石膏

人參

當歸

桂心

甘草

各二兩

杏仁

四十枚

右九味以水一斗煮取三升分三服

外臺名續命湯范注

同云是張仲景方本欠兩味

西州續命湯治中風痲

一作入臟

身體不知自收口不能言

冒昧不識人拘急背痛不得轉側方

麻黃

六兩

石膏

四兩

桂心

二兩

甘草

芍藥

乾薑

黃芩

當歸

各一兩

杏仁

三十枚

右九味㕮咀以水一斗二升煮麻黃再沸掠去上沫

後下諸藥煮取四升初服一升猶能自覺者勿熟眠

卧可厚覆小小汗出已漸減衣勿復大覆可熟眠矣

前服不汗者後復一升汗後稍稍五合一服安穩乃服勿頓服也汗出則愈勿復服飲食如常無禁忌勿見風并治上氣欬逆若面目大腫但得卧服之大善凡服此湯不下者人口噓其背湯則下過矣病人先患冷汗者不可服此湯若虛羸人但當稍與五合為佳間有輒行此湯與產婦及羸人喜有死者皆為頓服二升傷多且湯濁不清故也但得清澄而稍稍服微取汗者皆無害也

胡洽方古今錄名大續命湯

大續命散治八風十二痺偏枯不仁手足拘急疼痛不
得伸屈頭眩不能自舉起止顛倒或卧苦驚如墮地狀
盜汗臨事不起婦人帶下無子風入五臟甚者恐怖見
鬼來收攝或與鬼神交通悲愁哭泣忽忽欲走方

麻黃

烏頭

防風

桂心

甘草

蜀椒

杏仁

石膏

人參

芍藥

當歸

蘭茹

翼作
芍藥

黃芩

茯苓

乾薑

各一
兩

右十五味治下篩以酒服方寸匕日再後加以知為度

續命煮散治風無輕重皆主之方

麻黃

芍藥

獨活

防己

甘草

杏仁

各三兩

桂心

附子

茯苓

升麻

細辛

人參

防風

各二兩

石膏

五兩

白朮

四兩

右十五味粗篩下以五方寸匕內小絹袋子中以水

四升和生薑三兩煮取二升半分三服日日勿絕慎
風冷大良吾嘗中風言語蹇澀四肢痠曳處此方日
服四服十日十夜服之不絕得愈

排風湯治男子婦人風虛濕冷邪氣入臟狂言妄語精
神錯亂其肝風發則面青心悶亂吐逆嘔沫脇滿頭眩
重耳不聞人聲偏枯筋急曲拳而卧其心風發則面赤
翕然而熱悲傷瞋怒張目呼喚其脾風發則面黃身體
不仁不能行步飲食失味夢寐倒錯與亡人相隨其肺

風發則面白欬逆唾膿血上氣奄然而極其腎風發則面黑手足不遂腰痛難以俛仰痺冷骨疼諸有此候令人心驚志意不定恍惚多忘服此安心定志聰耳明目通臟腑諸風悉主之

白鮮皮

白朮

芍藥

桂心

芎藭

當歸

杏仁

防風

甘草

各一兩

獨活

麻黃

茯苓

各三兩

生薑

四兩

右十三味呖咀以水一斗煮取三升每服一升覆取微汗可服三劑

大八風湯治毒風頑痺躄曳手脚不遂身體偏枯或毒弱不仁或風入五臟怵怵惚惚多語喜忘有時恐怖或肢節疼痛頭眩煩悶或腰脊彊直不得俛仰腹滿不食欬嗽或始遇病時卒倒悶絕即不能語便失瘡半身不遂不仁沉重皆由體虛恃少不避風冷所致治之方

當歸

半二兩

五味子

升麻

兩各一

烏頭

黃芩

芍藥

遠志

獨活

防風

芎藭

麻黃

秦朮

石斛

人參

茯苓

石膏

黃芪

紫菀

杏仁

甘草

桂心

乾薑

大豆

翼云二合

右二十三味㕮咀以水一斗三升酒二升合煮取四

升彊人分四服羸人分六服

八風散治八風十二痺猥退半身不遂歷節疼痛肌肉

枯焦皮膚暈動或筋緩急痛不在一處卒起目眩失心
恍惚妄言倒錯身上瘡癰面上起疱或黃汁出更相染
漬或燥或濕顏色乍赤乍白或青或黑角弓反張乍寒
乍熱方

麻黃

白朮

各一斤

羌活

二斤

黃芩

一斤五兩

大黃

半斤

栝蒌根

甘草

藥荊

天雄

白芷

防風

芍藥

天門冬

石膏

各十兩

山茱萸

食茱萸

躑躅

各五
升

茵芋

十四
兩

附子

三十
枚

細辛

乾薑

桂心

各五
兩

雄黃

硃砂

丹參

各六
兩

右二十五味治下篩酒服方寸匕初每日一服三十
日後日再五十日知百日瘥一年平復長服不已佳
先食服

小八風散治迷惑如醉狂言妄語驚悸恐怖恍惚見鬼
喜怒哀憂煩滿顛倒邑邑短氣不得語語則失忘或心

痛徹背不嗜飲食惡風不得去帷帳時復疼熱惡聞人聲不知痛癢身悉振搖汗出猥退頭重浮腫爪不知痛頸項強直口面喎戾四肢不隨不仁偏枯攣掣不得屈伸悉主之方

天雄

當歸

人參

各五分

附子

天門冬

防風

蜀椒

獨活
各四分

烏頭

秦朮

細辛

白朮

乾薑

各三分

麻黃

山茱萸

五味子

桔梗

白芷

柴胡

莽草

各二分

右二十味治下篩合相得酒服半方寸匕漸至一匕日三服以身中覺如針刺狀則藥行也

烏頭湯治八風五尸惡氣遊走胃心流出四肢來往不住短氣欲死方

烏頭

芍藥

乾薑

桂心

細辛

乾地黄

當歸

吳茱萸

甘草

各二兩

右九味呿咀以水七升煮取二升半分三服

藁耳散治諸風方

當以五月五日午時乾地刈取藁耳葉洗曝燥擣下
篩酒若漿服一方寸匕日三作散若吐逆可蜜和為
丸服十丸準前計一方寸匕數也風輕易治者日再
服若身體有風者皆作粟肌出或如麻豆粒此為風
毒出也可以鉞針刺潰去之皆黃汁出盡乃止五月五
日多取陰乾之著大甕中稍取用之此草辟惡若欲

看病省疾者便服之令人無所畏若時氣不和舉家服之若病胃脹滿心悶發熱即服之并殺三蟲腸痔能進食一周年服之佳七月七九月九皆可採用治心風虛熱發即恍惚煩悶半身不仁攣急方

荊瀝

竹瀝

各五升

枸杞根白皮

生麥門冬

各一升

香豉

三合

人參

茯苓

梔子仁

黃芩

芎藭

桂心

細辛

杏仁

防風

白鮮皮

各二兩

生薑

石膏

甘草

各三兩

右十八味㕮咀以水二斗和竹瀝荆瀝煮取三升分

四服相去如人行六七里凡五劑間三日服一劑用

防已
三兩

治虛熱恍惚驚邪恐懼方

荆瀝

三升

竹瀝

二升

香豉

三合

牛黃

十八銖

生麥門冬

人參

各三兩

升麻

鐵精

天門冬

龍齒

茯苓

梔子

各二兩

右十二味㕮咀以水二斗煮取三升去滓下牛黃鐵精更煎五六沸取二升七合分五服溫服相去十里久

地黃煎治熱風心煩悶及脾胃間熱不下食冷所致

生地黃汁

枸杞根汁

生薑汁

酥

各三升

荆瀝

竹瀝

各五升

天門冬

人參

各八兩

茯苓

六兩

大黃

梔子仁

各四兩

右十一味搗篩五物為散先煎地黃等汁成煎次內

散藥攪調每服一匕日再漸加至三匕覺利減之

又方黃芩

乾藍

芍藥

鼠尾草

各三兩

梔子仁

生葛

各六兩

羚羊角

五兩

豉

一升綿裹

右八味㕮咀以水七升煮取二升五合分三服

治積熱風方

地骨皮

姜蕤

丹參

黃芪

麥門冬

澤瀉

各三兩

清蜜

薑汁

各一合

生地黃汁

一升

右九味以水六升煮取二升去滓內地黃汁更緩火煮減一升內蜜及薑汁又煮一沸藥成溫服三合日再大防風湯治中風發熱無汗肢節煩腹急痛大小便不利方

防風

當歸

麻黃

白朮

甘草

各十八銖

黃芩

各三十銖

乾地黄

山茱萸

茯苓

附子

各一兩

右十味以水九升煮取二升半一服七合大小

便不利內大黃人參各十八銖大棗三十枚生薑三

兩煮取三升分三服

深師加天門冬一兩

大戟洗湯治中風發熱方

大戟

苦參

各等分

右二味為末以藥半升白酢漿一斗煮三沸適寒溫洗從上下寒乃止立瘥小兒三指撮許漿水四升煮洗之

金牙酒療積年八風五疰舉身蟬曳不得轉側行步跛

躄不能收攝又暴口噤失音言語不正四肢背脊筋急
腫痛流走不常勞冷積聚少氣乍寒乍熱三焦不調脾
胃不磨飲澀結實逆害飲食酢咽嘔吐食不生肌醫所
不能治者方

金牙

碎如米粒用
小絹袋盛

乾地黃

地膚子

無子用莖蘇
恭用蛇床子

蒴藿根

附子

防風

細辛

莽草

各四兩

羌活

一斤胡洽
用獨活

蜀椒

四合

右十味㕮咀盛以絹袋用酒四斗於瓷甕中漬密閉
頭勿令洩氣春夏三四宿秋冬六七宿酒成去滓日
服一合此酒無毒及可小醉常令酒氣相接不盡一
劑病無不愈又令人肥健酒盡自可加諸藥各三兩
惟蜀椒五兩用酒如前勿加金牙也冷加乾薑四兩
服此酒勝灸刺起三十諸風痺曳神驗

肘後備急用
升麻乾薑各

四兩人參二兩石斛牛膝各五兩不用蒟蒻根為十
四味蘇恭不用地黃為十三味一方用蒟蒻四兩黃
芪三兩胡洽用續斷四兩為十一
味千金翼用茵芋四兩無蒟草

常山太守馬灌酒除風氣通血脉益精華定六腑聰明
耳目悅澤顏色頭白更黑齒落更生服藥二十日力勢
倍六十日志氣充盈八十日能夜書百日致神明房中
強壯如三十時力能引弩年八十人服之亦當有子病
在腰膝藥悉主之方

天雄

二兩
生用

商陸根

躑躅

蜀椒

各一
兩

烏頭

一技
大者

附子

五
枝

桂心

白斂

茵芋

乾薑

各三
兩

右十味㕮咀以絹袋盛酒三斗漬春夏五日秋冬七
日去滓初服半合稍加至兩三合擣滓為散酒服方
寸匕日三以知為度夏日恐酒酸以油單覆之下井

中近水令不酸也

千金翼無商陸
桂心為八味

蠻夷酒治久風枯攣三十年著床及諸惡風眉毛墮落

方

乾地黄

獨活

丹參

礬石

各一兩

麥門冬

附子

甘遂

各二兩

赤石脂

二兩半

乾薑

蕪荑

芫花

栝子仁
各一合

蘇子

升一

蓰蓉

茯神

翼作
茯苓

金牙

薯蕷

白朮

杜仲

石南

牡荊子

山茱萸

欬冬

各十
八銖

白芷

烏喙

烏頭

人參

狼毒

蜀椒

防風

細辛

礬石

寒水石

牛膝

麻黃

芎藭

當歸

柴胡

芍藥

牡蠣

桔梗

狗脊

翼作
枸杞

天雄

各半
兩

石斛

挂心

各六
銖

右四十五味呖咀以酒二斗漬夏三日春秋六日冬

九日一服半合密室中合藥勿令女人六畜見之三

日清齋乃合

千金翼無芎藭云加
大棗四十枚更佳

又方治八風十二痺偏枯不隨宿食久寒虛冷五勞七傷及婦人產後餘疾月水不調皆主之方

礬石

挂心

白朮

狼毒

半夏

石南

白石脂

龍膽

續斷

芫花

白石英

代赭

蘭茹

石韋

玄參

天雄

防風

山茱萸

桔梗

藜蘆

卷栢

細辛

寒水石

烏頭

躑躅

蜀椒

白芷

秦朮

菖蒲

各一兩

礬石

附子

遠志

各二兩

石膏

二兩半

蜈蚣

一枚

右三十四味呔咀以酒二斗漬四日每服一合日再

十日後去滓曝乾搗節為散酒服方寸匕日再以知

為度

胡洽四十二味無桂心細辛烏頭躑躅蜀椒而有芒硝恒山黃芩黃連大黃麻黃地黃前胡甘

草菟絲子芍藥紫菀各一兩杏仁一十枚同搗篩絹袋盛用水三斗麴三斤黍米三斗作飯依釀酒法以

藥袋置釀中春秋七日冬十日夏三日酒成服半雞子殼日三服曝藥為末酒服方寸匕以身體暖為度

魯王酒治風眩心亂耳聾目暗淚出鼻不聞香臭口爛

生瘡風齒癰癰喉下生瘡煩熱厥逆上氣胸脇肩膊痛

手不能上頭不能帶衣腰脊不能俯仰脚酸不仁難以

久立八風十二痺五緩六急半身不遂四肢偏枯筋攣
不可屈伸賊風咽喉閉塞哽哽不利或如錐刀所刺行
人皮膚中無有常處久久不治入人五臟或在心下或
在膏肓遊走四肢偏有冷處如風所吹久寒積聚風濕
五勞七傷虛損百病悉主之方

茵芋

烏頭

躑躅

各三
十銖

天雄

防己

石斛

二十
四銖

細辛

牛膝

甘草

栝子仁

通草

桂心

秦艽

茵陳

山茱萸

黃芩

胡洽作黃耆

附子

瞿麥

乾地黄

王不留行

胡洽作天門冬千金翼作王蓀

杜仲

澤瀉

石南

防風

遠志

各十八銖

右二十五味㕮咀以酒四斗漬十日每服一合加至

四五合以知為度

千金翼名此為魯公酒有乾薑胡洽無防已以絹囊盛藥用水二斗

法麴二斤同漬三四宿出藥囊炊二斗黍米內汁釀之酒熟飲如雞子大日二服稍稍飲之以知為度

又方治風偏枯半死行勞得風若鬼所擊四肢不遂不

能行步不自帶衣攀躐五緩六急婦人帶下產乳中風

五勞七傷

乾薑

躑躅

桂心

甘草

芎藭

續斷

細辛

附子

秦朮

天雄

石膏

紫苑

各五兩

葛根

通草

防風

栢子仁

巴戟天

石斛

石南

山茱萸

石龍芮

四兩

天門冬

牛膝

各八兩

烏頭

二十枚

蜀椒半升

右二十五味㕮咀以水五升漬三宿法麴一斤合漬
秫米二斗合釀三宿去滓炊糯米一斗醞三宿藥成先
食服半合日再待米極消盡乃去滓曝乾末服

獨活酒治八風十二痺方

獨活

石南

各四雨

防風

三雨

附子

烏頭

天雄

茵芋

各二雨

右七味㕮咀以酒二斗漬七日每服半合日三以知

為度

灸法

扁鵲云治卒中惡風心悶煩毒欲死急灸足大趾下橫
文隨年壯立愈

若筋急不能行者內踝筋急灸內踝上四十壯外踝筋
急灸外踝上三十壯立愈

若眼戴睛上挿灸目兩眥後二十壯

若不能語灸第三椎上百壯

若不識人灸季肋頭七壯

若眼反口噤腹中切痛灸陰囊下第一橫理十四壯灸

卒死亦良

治久風卒風緩急諸風卒發動不自覺知或心腹脹滿
或半身不隨或口噤不言涎唾自出目閉耳聾或身冷
直或煩悶恍惚喜怒無常或脣青口白戴眼角弓反張
始覺發動即灸神庭一處七壯穴在當鼻直上髮際是
○次灸曲差二處各七壯穴在神庭兩傍各一寸半是

○次灸上關二處各七壯一名客主人穴在耳前起骨上廉陷者中是○次灸下關二處各七壯穴在耳前下廉動脈陷者中是○次灸頰車二穴各七壯穴在曲頰陷者中是○次灸廉泉一處七壯穴在當頤直下骨後陷者中是○次灸凶會一處七壯穴在神庭上二寸是○次灸百會一處七壯穴在當頂上正中央是○次灸本神二處各七壯穴在耳正直上入髮際二分是又作四分○次灸天柱二處各七壯穴在項後兩大筋外入髮際

陷者中是。○次灸陶道一處七壯穴在大椎節下間是。
○次灸風門二處各七壯穴在第二椎下兩傍各一寸
半是。○次灸心輸二處各七壯穴在第五椎下兩傍各
一寸半是。○次灸肝輸二處各七壯穴在第九椎下兩
傍各一寸半是。○次灸腎輸二處各七壯穴在第十四
椎下兩傍各一寸半是。○次灸膀胱輸二處各七壯穴
在第十九椎下兩傍各一寸半是。○次灸曲池二處各
七壯穴在兩肘外曲頭陷者中屈肘取之是。○次灸肩

髑二處各七壯穴在兩肩頭正中兩骨間陷者中是。
次灸支溝二處各七壯穴在手腕後臂外三寸兩骨間
是。次灸合谷二處各七壯穴在手大指虎口兩骨間
陷者中是。次灸間使二處各七壯穴在掌後三寸兩
筋間是。次灸陽陵泉二處各七壯穴在膝下外尖骨
前陷者中是。次灸陽輔二處各七壯穴在外踝上絕
骨端陷者中是。次灸崑崙二處各七壯穴在外踝後
跟骨上陷者中是。

治風灸上星及百會各二百壯前頂二百四十壯腦戶

及風府各三百壯

一云治大風灸百會七百壯

治百種風灸腦後項大椎平處兩廂量二寸三分須取病人指寸量兩廂各灸百壯得瘡

治風耳鳴從耳後量八分半裏許有孔灸一切風得瘡狂者亦瘡兩耳門前後各灸一百壯


治卒病惡風欲死不能語及肉痺不知人灸第五椎名曰臑輸百五十壯多至三百壯便愈

心輸穴在第五節一云第七節對心橫三間寸主心風
腹脹滿食不消化吐血酸削四肢羸露不欲飲食鼻衄
目眴眈眈不明肩頭脇下痛小腹急灸二三百壯

大腸輸在十六椎兩邊相去一寸半主風腹中雷鳴腸
澼泄利食不消化小腹絞痛腰脊疼彊或大小便難不
能飲食灸百壯三日一報

掖門在掖下攢毛中一寸名太陽陰一名掖間灸五十
壯主風

絕骨在外踝上三寸灸百壯治風身重心煩足脛疼



備急千金要方卷二十五